


日本漢文學百家集

王焱 編

393



北京燕山出版社



王焱 主編

日本漢文學百家集
393



北京燕山出版社

第三九三册

豹軒詩鈔 卷七至卷十四 附錄一卷 鈴木虎雄著 昭和十二年
……
一

豹軒詩鈔卷七

北越 鈴木虎雄 撰

大正六年丁巳 四十歲

丁巳元旦余在燕京僑民盡詣交民巷使署拜
聖容余亦隨其後

滿街車馬不揚塵使署旌門昇旭新僑客三千來拜頌
天皇陛下萬年春

和如舟小川博士新年作次韻

薊門始見歲華新
鑪畔盆梅白點銀
誦到南枝詩意切
何人不憶故鄉春

如舟博士見贈一裘賦謝

懶襟貓裏剪裁新輕似浮雲暖似春賴有一裘憐范叔
嚴冬抵得固窮身

送如舟博士東歸二首

六日

朝叩書莊夕玩坊薊門十日忽殊方臨歧無奈依依思
一往一來爲學忙

兩次迎君又送君春帆去入海東雲京中如遇相知士
爲道平安攻舊文

送法學博士巖谷顧問

孫藏

患喉就治日本

三月

楊柳未黃梅未薰扁舟直指海東雲不妨求藥蓬山去
春色帶回偏待君

陶然亭二首

二月東風放豔陽郊亭與客俯池塘輕波淡淡蘆芽小

暖日遲遲柳線長

人生何必問窮通行樂隨時佳興同且指西山浮爽氣
陶然一醉坐春風

天安門至中華門輦道如砥予日日散步忽見
新草生有感

輦路生芳草青青映砌斜不知朝代改春色屬新華

六條胡同本願寺觀桃花賦呈默雁尊者

三四月

本願寺中桃李花千枝萬朵爛如霞栽人誰得如斯樹
一帶朔方漲錦華

萬壽山四首

崑明池北玉泉東構築曾誇閔苑雄荒草已埋耶律墓
行人猶問覺羅宮湖隄煙柳垂垂綠露砌海棠豔豔紅

回首傷心龍島水錦帆無影拂橋虹

丹巘青崖帶禁牆甕山夏木鬱蒼蒼煙嵐重疊峰三面
樓閣玲瓏水一方舞殿花明空鼓笛釣臺露冷失鴛鴦
金輪去後豪華盡只有池蓮似六郎

西后頤園枕鏡湖半天宮殿蕩虛無風生畫棟雲猶動
人去雕廊月自孤無復宋民憐良嶽空傳王母宴蓬壺
非由峻宇糜財力孰使遼師喪舳艫

苕青沙白接山平寶殿琳宮隔水明佞佛梁皇輕棄甲
遊嵩周后誤調羹春風華表丁威鶴夜月雲間子晉笙
社屋蓋新還六載觸蠻南北未停爭

聞宣統帝復辟報

七月一日

旌旗五色變黃龍劍佩枉修文武容誰引豺狼朝大內

不知禁闕化飛烽

南池子夜坐時張勳擁立宣統帝段祺瑞討之

城中喧囂

五七日

為鼠為龍亦偶然流氓滿目實堪憐中宵不寐涼棚下

缺月林風聽老蟬

七月十二日記事

段軍來攻余避難于東交民巷日本郵局長官官舍因獲

無事長官中林子賢也

動地炮聲宿霧披紛飛彈子裂榆枝先生無事薊城裡

起見青山臥詠詩

癸後過南河沿張辦子廢宅

轅門無復列霜戈戰敗項王如汝何屍骸縱橫玉河上

老榆殘壁暮蟬多

亂後書感二首

鄰殃波及暗躬驚禹域頻年不弭兵安奉吾皇臨大

陸千秋萬代邳升平

誰奉神孫供奉班恩波西被遍瀛寰乃將江海爲池

水直視秦衡同假山

步相川竹陰老人寄示詩韻卻寄

八月三日

年少枉來長者書風雲變易慨慷餘恨吾文字非經國

寄向故人焉起予

明陵

次前度詩韻

麻豆徑連梁稷陸溪流飲馬露光凝紅牆翠柏昌平路

復弔明朝舊帝陵

居庸關

誰道守之在四夷關門零落草離離壁間留得雕經石
六國文形費苦思

土木堡

即明英宗爲先虜處

舜階干戚迂愚甚禹域衣冠不解兵可笑朱家傳北伐
古來天子幾親征

宣化

曠野無涯黍若雲山坡牧畜各成羣荒涼未見沙場景
一半先窺塞外文

洋河遭雨

中流沙淺水東馳南岸柳榆風倒吹白雨黃塵紛撲面
荒丘破堡電雷垂

赴大同途上書感

累垂禾黍接天昏處處泥牆猶有村誰化斯民躋壽域
朔方風色似中原

大同府月夜聞笛

玉露金風遍白榆天高野曠月輪孤邊城夜半吹南管
宛似漢人守塞圖

對月憶家

徘徊曠野露沾衣頭上驚看早雁飛絕塞自憐身是客
滿天明月戀庭闈

寄題烏居素川讀月樓

滿腔熱血罵侯王青眼相憐是衆氓讀月樓中讀何典
乾坤無字大文章

寄懷素川

草白朔方覺已秋夜來銀漢向東流雲中爲客逢明月
不耐遙思讀月樓

將向咸陽作二首

昨過居庸奇字搜月明違著大同秋今朝又向咸陽去
自笑太忙馬少游
四十書生猶黑頭年年行李發清秋魯齊山岳豫雍水
問學游兼覽古游

碣山

亂世何無草澤雄真龍不起碣山空
靡蕪原濕蕭蕭雨
片片雲飛向沛豐

宿磁鐘鎮示羽溪學士

了諦

君截菜根我點醬呼僮炊飯各相嘗起居欲注油燈暗

手解氍毹包上土牀

經古函谷關

在靈寶縣西

黃河如海濁流閒峽道築回萬仞山
細雨濕書暫停卷
騾轎夢冷度函關

閩鄉縣日暮作

河上驚濤拍岸還行人轎裡暮間關
雨餘雲氣曳殘白
隔水紺青三晉山

盤豆鎮途上

猶是潼關半日程隴丘稍倦旅人情
秋風忽送西天翠
馬首崢嶸秦嶺明

潼關

殘堞連崗草木空城樓一上望無窮
天邊華嶽崢嶸出

雲際黃河屈曲通亂世固多狗盜輩清時未見鳳圖功
關中王氣全消滅休說當年設險雄

夜入華州

驟鈴蕭索響寒茅驛路泥深車轍交未到華州秋日沒
長庚一點上楊梢

渭南道中

高桑老大與楊齊村店無人閒午雞添得渭南田野趣
木綿花發路東西

登慈恩寺大雁塔

風鐸鏘鏗鳴不休依然高塔曲江頭靡蕪全沒芙蓉苑
草樹斜連涇渭流昔日衣冠題詠地東方客子俯臨秋
終南山色蒼茫暮更自何邊辨九州

三橋鎮囊在零口余與羽溪學士宿于驪轎是夜則宿驪車之上

阻雨回來野店家咸陽北望密雲遮征途艱苦猶難測

昨宿驪轎今宿車

發西安

車上翩翩揚旭旗如絲大道疾徐馳異邦民亦知皇德

匪類避回行旅隨

喫西瓜

驪轎油幕夕陽斜熱氣蘊隆渴意加烏柿淺紅未堪喫

白楊樹下賣西瓜

臨潼華清宮溫泉六首

既有棲鴉噪白楊驪山秋色晚蒼茫槽前稅駕臨潼驛

先訪玉環供奉湯

山下亭園秋柳黃雙池南面室中央玉螿金雁零落盡
道是唐朝妃子湯

碧嶂嵯峨渭水濱千門想像翠華春于今山下溫泉滑
不洗凝脂洗旅塵

東向河南第一程微風纖月入華清牆邊敗葉蕭蕭響
猶似當時私語聲

殿址荒涼渭水東分明樹色接新豐開天遺事倩誰語
不遇津陽門北翁

清后行宮碧蘚荒聞曾內監侍新妝青銅三百給門老
笑導吾曹浴御湯

華州途上

曉來清爽似深秋雲氣南山凝亦流雪白蘆花黃綠柳

兩行夾道向華州

宿靈寶縣

淨碧天高鵲起柯夜深驛館絕村歌一輪函谷關頭月

照得離人秋思多

發靈寶

靈寶古桃林塞 廿八日

路傍閒草露華多曉度桃林日上柯迢遞隴丘禾黍外

煙消緒岸識黃河

磁鐘鎮途上

嘉禾黃熟隴丘間日脚漸斜禽饋還遠近諸峰數法妙

紫山缺處畫青山

復宿磁鐘鎮

窮山寒鎮宿蒿萊前度行人復又來喫著火豚幸相想